

叢書集成續編 第一六六冊目錄

文學類



詩別集——宋

涉齋集十八卷	宋 許及之撰	敬鄉樓	一
棣華館小集一卷	宋 楊甲撰	宋人集	九三
自鳴集六卷附校勘記一卷	宋 章甫撰	豫章	一〇一
竹齋先生詩集四卷	民 胡思敬撰	宋人集	一四五
華亭百詠一卷	宋 裘萬頃撰	宋人集	一八三
二薇亭詩集一卷補一卷(存卷上)	宋 許尚撰	敬鄉樓	一九三
芳蘭軒詩集三卷補一卷	宋 徐璣撰	敬鄉樓	二一一
東山詩選二卷	宋 徐照撰	宋人集	二三五
安晚堂詩集六十卷(原缺卷一至卷五、卷十三至卷六十)	宋 葛紹體撰	四明	二五九
附補遺一卷補編二卷	宋 鄭清之撰	宋人集	三〇一
附輯補一卷	宋 陳起輯	宋人集	三二六
雁山吟一卷說劍吟一卷	清 李之鼎輯	宋人集	三三五
玉楮集八卷附錄一卷	宋 呂定撰	三怡堂	三四九
藝居乙稿一卷補遺一卷附錄一卷	宋 岳珂撰	武林往哲	四〇三
漁溪詩稿二卷乙稿一卷補遺一卷	宋 陳起撰	武林往哲	四二一
石屏詩集十卷	宋 俞桂撰	台州	四三三
癖齋小集一卷	宋 戴復古撰	續金華	五七三
	宋 杜旸撰		

蘭皋集二卷	宋	吳錫疇撰	宋人集	五七九
西陸稿一卷續稿一卷海陵稿一卷	宋	宋伯仁撰	宋人集	五九九
指南後錄三卷	宋	文天祥撰	正覺樓	六一九
須溪先生四景詩集四卷補一卷	宋	劉辰翁撰	宋人集	六五九
學詩初稿一卷	宋	王同祖撰	續金華	六八三
西麓詩稿一卷西麓繼周集一卷附校記日湖漁唱一卷附校記	宋	陳允平撰	四明	六九一
柳塘外集二卷	宋	釋道璨撰	宋人集	七四五
橘潭詩稿一卷	宋	何應龍撰	武林往哲	七六三
蒙隱集二卷	宋	陳棣撰	宋人集	七六九

wt 94/06

涉齋集

涉齋集

敬鄉樓叢書

民國十有七年
永嘉黃氏校印

涉齋集卷一

五言古詩

新晴

許及之 深甫

連旬困梅霖接夏潦乘海泄雲渙新霽遊興難管束出關便航
湖停篙葑蒲綠漁歌入浦激沙禽亂驚浴昏霏送霞落依稀辨
林谷初更電輝搖輕雷忽相續蛙聲雜雨波翻碎鳴玉何能
足清睡快舉卮酒沃明朝看晨光未必非所欲

次韻葉德友苦熱吟

避暑本無法有法心可移達尊迫人事盛服嚴天威六月厲戈
甲百鍊親鏖鏖前驅上峻坂後鞭禁長吁正午萬竈增尅暑千
夫炊轅門待排結軍令無徐舒陸渾救急燎燦巴稽嘆霏期以
涉 齋 集 卷一 敬鄉樓叢書

片時減不許一草萎醺賞激勇往畢力爭忘疲不計揮汗雨寧
思濯風濤當其用力所豈復知熱時萬事心地存百年火宅馳
四時更代謝二至爭愆逾積陰理必復大夏陽常居及此當歛
絕豈得懷鬱紆杜鵑踏層冰幾欲投清池韓思坐深飯爲說亦
豈疎極知隸元氣孰與逃象滋聊用供嘲咏且以相戲娛吾儕
幸安適家食饕餮蛇念彼方熱耘焉能思逃虛靜勝昔人心屢
空斯晏如况予負深譴省咎閤重扉友朋相急難往復通有無
每懷子葉子久與期襟期有此苦熱吟句韻兩崛奇

喜雨次韻翁常之苦熱吟

羲和不弭馭炎帝方秉機孰不受趙衰誰肯觸武威豈知鑠金
石乃得齊璫璣鹿角甫云解葵箴無停揮萬寶成南訛一枕安
北扉殿閣施餘薰不羨溥增輝鼎鼎百年內咄咄七十稀臨流

抒我懷新浴振我衣雷雨急生涼天恩覺淪肌詩來取靜勝句
到不吾欺盛服思客位重鎧念邊陲當暑如懷秋秋至忽與悲
再酬常之

理極終必復孰逃造化機司夏流中氣執衡振嚴威有懷渴雲
霓不願雨珠璣油然起峻嶒閃若驚霍揮嘉澤徹中宵涼颼入
重扉良苗固懷新治葉亦生輝從欲天匪私屢豐古實稀垂老
藉香火凌晨肅裳衣百拜屈我躬萬感銘我肌茲生每有逢末
路敢爲欺正爾飽邱壑及此軫疆陲念終抱媿耻已矣徒傷悲

中秋見懷

明月出海底先照彤庭墀正以合德故爭效朝宗馳須臾散精
彩普率揚明輝常時或顯晦所歷隨茫瀾及茲秋中氣燎然光
滿規豈但碧漢澄無復宿露披如坐水晶宮更泛琉璃凜凜
涉 齋 集 卷一 敬鄉樓叢書

栗膚髮剝剝析毫釐竟欲乘浮槎試與窮垠涯或擬斫却桂或
云生桂枝蟾宮到者折不生豈不稀玉斧修何事倒即無倒期
沉吟自絕倒痛飲忘傾歆茲辰病因仍良行覺支離始行浮雲
多猶欲一口吹東牀念齋夕妙語寄相思詞到律自協意古趣
更奇今雖減冰輪猶照蘸甲危寄聲衡南翁斯辰可無詩我欲
資雋永庶以得自頤

侍南軒先生卷雲亭望嶽麓積雪分韻得初作二字

案此脫去

詩一首

新元既涉九臘尾春未初司寒勵餘職飛雪來庭除因風稀復
密潛陰慘還舒瑞色入隴麥祥膏潤園蔬未足映書讀已寬帶
經鉏和氣融比屋所積惟林慮悵焉起遐觀未知問所如南軒
笑領客操已敢作疎豈無門下生不肯升簾與衡泥按徐轡秀

句生蓬驢卷雲畢清集湖上眇開予蜿蜒翠麓中萬瓦參瓊瑤
急掃供茗事隔江竟煩渠終日樂未央不爲食有魚十韻分九
人其一固問餘併以屬汰礫敢下馮婦車屯雲方雜沓二白難
躊躇須公專吟筆載庸仍屢書

張時可席上喜雪分韻得水字時予後至周希稷期而不
集

寒威逼重幃皓彩墮庭庀不謂晦日愁乃有豐年喜更長要深
盃客緩婉停七後來固自佳不至猶可紀傳香共分題索笑驚
落紙摩挲玉梅瓶凍合西湖水

次韻黎師侯登王叔武文昌閣看雪

春雪如過客所止留莫住但見空中馳機心逐鷗鷺度臘凜餘
寒同雲忽朝聚乍看蛟泣珠漸覺柳飄絮少焉有矜色瓊枝鬪
涉齋集卷一 二 敬鄉樓叢書

玉樹登臨須勝流著我覺形汗北山鮮明姿愛客急修具坐間
兩荊州翛然隱風度更著老彌明清談屋領注客醉主亦歡主
醉客即去剝啄鳳沼來忽得石鼎句便可當畫圖却將醒眼覩
次韻轉庵用山谷半字韻見寄

居閑數相過每話夜參半稍作一日疎已起三秋歎老去惜光
陰歡來猶把玩去年揆袂別轉看擲沙散恍思麋鹿侶豈是鶴
鷺伴拂龜信逢辰聽鷄虞失且冉冉金堦趨穆穆玉皇案端笏
儼一雙曳履儀十亂咸德足享天旅薦潔初盟疲鷺亦自鞭百
駕祇恐緩以茲故山夢縈縈若珠貫佳句自山來居然起衰懦
平生錦繡腸不復置冰炭室邇猶遠思迢迢況閩館加意松栢
姿聊逐桑榆暉歸投玉女壺天當一笑粲

次韻書懷

世味真嚼蠟閑趣覺雋永閉門讀舊書拓繡路微罔關道忘一
斑反身得三省佳人不可招妙處誰與領未則聊晨門已獻那
泣郭向來真左計只合事幽屏感君汪洋波洗我榮辱境逢原
得新功餘潤及古井筆端有轆轤句法見馳騁梅花動鄉思霜
風吹緊影言歸日在念未策心已警咫尺看白雲祇隔馮公嶺

次韻酬徐居厚寺簿

衣言按此以山陰事至紹興時作

渡江見三白飛雪爲誰妍因山行畢役憂國且願年眷言靈駕
發綿延屬車駢陽侯既効職滕六敢自賢閣陰不忍下竣事即
隨前山林亦縞衣揮灑紛素筵似與孤臣淚同作珠貝編豈無
訪戴舟拘文不容牽感君相料理語妙堪流涎奈何補天手袖
此鑑湖壘不受鄰僧米顏公合憂煎按津暎雪眼聾夷吟詩肩
同時天下名一日方九遷君不策高足餘子煩後鞭

涉齋集卷一 四 敬鄉樓叢書

再用韻

正士如正色耻與俗競妍老成信遲鈍阿婆曾少年斯人寄閑
地宇宙豈贅駢向來馳天壤誰者相愚賢我欲從之游每恨不
得前茲行本戶祝代庖誤當筵高軒既枉過妙語亦盈編受施
不知報力疾可復牽風雪久爲唐江湖長蛟涎天豈困男兒地
關東南壤惟有皎潔姿不受寒暑煎勉子加殫飯行行盍仔肩
時哉有通塞道豈隨變遷願將釣竿手一爲公執鞭

王弱翁同年以多病故人疎韻五詩爲惠次韻奉酬

王君丰璋姿宜在條理科妙語天發成瑩徹非磨礱宗廟要琬
琰世豈無卞和顧恐太分明頗覺瓦礫多
斯文萬金藥不救俗儒病虛生誰云邪夫子未出正羊腸駕觴
輪鯨淵泝孤榜噫乎吾道窮自古關衰盛

江水日萬折哀望東注機禽無停飛不足了雖哺君看青紫
綬但供折腰具物理信如此焉敢辭世故

葉脫秋色靜水落洲渚陳文昌易為月翩翩欲相親蟬聲老逾

夏乍聽意覺新此時酒一尊不可無此人

心競事未已趣了計有餘彭澤八十日便可膏我車趨時方柄

拙涉世孤舟虛君無我短政爾吾太疎

直舍考校次弱翁再用前韻

胸中無涓涓筆下安詮科糊名疆別白朱丹困研磨傳詩得建

安妙畫追永和快讀洗我懷珠璣拾何多

我句燕陋質聊學捧心病君詩婉變容毅然色更正唱歎朱絃

音流唱清池榜足亢江西宗它年耳孫盛

官冷得酒錢便欲精床注不管門東兒張頤須咽哺堪笑布裙

涉齋

集

卷一

五

敬鄉樓叢書

婦遮藏備修具君自不計軫何止傾蓋故

夜讀舉子語憂憂務去陳喚起場屋夢倍覺燈火親科第計謂

了癡兒事方新寄言山內友勿念塵中人

堆案即姑置棲息萬籟餘塔除勃率行兩脚當我車徑欲煩客

卿相從賦子虛麴生不可招坐令此計疎

轉庵集客分韻得作字見示次韻奉酬

轉庵詩老手久不見近作尙友喜文會分韻得真樂聯翩來巨

軸淋漓想酬酌異味非五鯖良裘豈一貉有如得良劑居然起

深漠雖微與茲集所得良不薄山王果爲累竹林誠可略何妨

贅賡酬聊復資戲謔永言相忘友久要欣有託後當不如今今

可不晤昨亦欲見真率正須先宿諾少待天氣涼偉觀灑高閣

轉庵再用作字韻見酬有善蔡休咎之語復韻爲答

步蹇無良行思苦乏新作蟲聲徒自切我病有何樂言寫紆短

懷深汲難遠酌敢嗟風兮鳳正慙緒非緒詩家有醫王同社求

句瘼固不相短長祇恐自鄙薄胡爲作蟻夢乃欲談豹略此意

誠起惴斯言喜善謔天幸吾已數人生歸有託居然成老醜何

者裨畫諾知予與罪予併束春秋閣案此首次前韻脫去昨字韻二句

次韻滕承以古風爲贊

松柏覆高岡根株滲七澤雪霜有古今柯葉無改易上干青雲

霄下庇神龍宅嘯嘯朝陽鳴杳杳蓬堵跡五色絢文章八音諧

金石羣飛競婆娑爭附第充斥匠石既罕遇社櫟顧何益伶倫

不唯雄嶸竹難蟻蝨藍田驚世瑞造物等兒劇昨曾聞爛斑今

猶眩朱碧居然獲徑寸幾欲按三尺久之置懷袖尙爾除踣踣

姑憑副墨子往備庚桑役衣言按昨會窺爛斑四句亦指考校言滕丞至鎮廳就試者

涉齋

集

卷一

六

敬鄉樓叢書

陳西老詠拾古風次韻

古井千尺深而無一寸波古和陰其旁情情長銅柯明堂一柱

難如此樑棟何匠石久袖手高岑鬱峨峨天風一披拂劍佩相

戛磨不願爲阿房千門貯秦娥願作寒士庇渠渠共婆娑吁嗟

不相貸飛輪迫羲和誰爲作本展作本輪困萬牛作本未爲多

次韻陳大用分韻得對字

離羣易興懷會面即忻對茲豈非人情况復是吾輩稍稍不晤

語聖聖已心憤世態炎復涼畫事素先續餘子祇賦硃良友抵

珍琲仲方真小難煮糜是所愛有作窺古淡如女洗妝黛亦嘗

和宮徵惜不聽環佩是舉終當了此事可使廢轉庵傳分韻容

成憶同載肝膽徒輪困醺醉任瑕類衣言按深父所居在華蓋山右近容成謝巖飛霞

洞時中屢見皆今縣城東南地潘德久似亦在近鄰也小雅猶言難弟

次韻陳大用

林樹迢搖落青木見槎梗物當各歸根人盡思退省我今幸投
閑日方競俄頃閨戶思寡過出戶忘造請第知龜藏穴大似蛙
坎井佳客車枉門好語裘挈領遠發醴鷄覆如脫孤狔弄見道
乏新礪導竅味微繁元方擅能事轉庵互規警倡酬傳五字馥
味消百嘗盤殮共羸羸軒窗臨閒靜恨方厲霜風惜不行蔗境
何當歷金岑相與忘吟叮江山開偉觀華蓋登絕頂

與同社遊山園次翁常之韻

眷言太玉峯本是仙佛宅端視儼若屏側睨展如翼洞府何渺
茫傳聞見圖畫疆理雖東甌題品經謝客至今味篇咏當時想
遊歷顧我本萍泛買鄰寓棲息江山自星霜卉木因種植鑿巖
得香泉拓戶見山色佳客入庭戶英氣來几席幽葩芳石根好
涉齋集卷一七敬鄉樓叢書

鳥絃坐側挂笏山之西擊舟江以北明月浮可捉疎星掛堪摘
拂晨天宇淨出海陽烏赤修嵐燦紫翠遠目眩朱碧峻嶒雙塔
影突兀古殿脊媚川溟渤寬絕境天地窄前賢未嘗忘勝趣何
有極茲時屆清和同社共推激肯爲終日留喜免重城隔長歌
響林垌妙語出金石爾汝合忘形拘攣非遠識莫噴驚着汝試
問今何夕曹劉堪可短丘崖肩可拍却笑山陰會譚悲昔人迹
喻指就非是計馬誰失得明當新詩來勿憚難韻迫趣歸不忽
忙餘興猶發積感君吐瓊瑰爲我寫胸臆

六日十五日西湖夜泛高炳如集客趙臨安蟠老致餉同

遊者陳可行楊少雲李元德王順伯何紹彭張宗尹楊氏

子弟寺僧方與焉次炳如韻

西湖著明月萬象各偃伏夙昔湖上遊賡酬動盈束未有夜泛

詩此諸吾屢宿剡啄聞招呼咎戒行速讀君紙三過洗我愁
萬斛行行正作意在在堪刮目山光真起予過雨儼新浴精藍
紺深幽疎篴底修緣棋聲節風颯參差自成曲睡乍味覺甜語
軟氣能馥老僧與客忘諦細楞嚴軸小立水花淨一堤良意足
方舟曉興動篙人聽回復蕙風散金波心境兩愁獨是有妙
句萬古無管屬詩家高書記前趙今鮑叔歸來要推敲遺餉到
林谷陳榻初解懸膺門契仍篤不遺太學舊王陽共高躅陸笑
阿戎談足以侍几牘支郎更可人啖蔬如啖肉而我廁髯張形
骸愧珠玉敢逃青白眼僅免朱丹穀明朝軟紅中清游夢應續
未歎終滯淹湖山已收錄

次韻薛子明由羅浮登富覽

衣言按薛子明瓜
羅浮映掛絳富覽由茲亭地非南海嶠山結北斗城雙龍插奔

涉齋集卷一八敬鄉樓叢書

瀾萬峯若屯營往復信潮沙日夜歸滄溟沙漲陵谷移水落洲
渚橫謝客矚目力郭公參地形夫君有心哉象緯羅中局

次韻薛子明賦雪淵寒瀑

南山阻且秀三峯屹而挺崖跨夜鶴聲松納古潭景珍潛滄無
朕樵涉深及脣星娥閣靈蹤月卿探幽屏同氣想飛霞相過談
倒影儼遇蓮葉舟定自太華井

游石梁

天柱昔飽觀石梁今創見愧此义枒姿空費輪囷薦安得愚公
移往作靈光獻突兀千萬間普適寒士願

沈丈察院次遊鳳山韻見示再次韻奉酬

短思如枯枿不忘雨露滋一朝得甘露牙蘂紛差差向來圯上
編詩一編致孤老人期至今巾篋中常覺律呂隨風骨自難

147/19
2A
蛻寸心恐終違苦語迫應酬如醉多傾欹擬求風斤斷麻使膠
柱移遣以五色篇服之欲生暈東隅縱已失南車足占迷堂堂
多冠老偉論堪扶危不妨似嫵媚正爾煩逶迤餘事出長技傳
玩爭矜持高吟有權和好兩誠知時疲驚懼難駕渴驥思脫羈
行當逐還放雁伴聊同棲

游道林嶽麓寺詩

幕府日多暇而無簿書勞喚渡涉湘西鼓枻歌離騷今日湖南
山領覽歸我曹願覺葉舟穩夷塗自風濤

道林訪幽棲竊懷愜所向嶽麓振前策盤紆得夷曠向來北山
移無物辭嘲謗見此意豁然泉聲助悲壯

從昔遊山人留題盡名字壁昏暮鴉棲石膩羣鴻戲今人來更
多後觀復長喟吾儕幸聞健拄笏致爽氣

涉齋集

卷一

九

歌鄉樓叢書

名山喻名理妙處須獨到提耳從百聞豈盡歷歷告茲游太清
絕足以償宿好相期寒歲姿對此松栢操

涉齋集卷二

許及之 深甫

五言古詩

曾主管由宜春道中得遺棄小兒囑余收養道間寄詩紀實次韻奉酬

日月被八極覆盆自無明陽春嫗萬物孤輪有悲鳴所以聖明治要燭幽隱情一早出料外誰與填饑坑豪家亦何心閉羅門忍橫指困寬嗷嗷凜若臨大兵兩餘百憂洗痛定猶忤忤今代子曾子贊畫外臺清高軒昨過我絕塵不容瞠歸途出城闌岸潄聞啼嬰下車非內交一念千金輕摩挲脫九死感慨恩更生抱持涉數舍見我託此婢再拜敢有渝鞠養專兩榮嗟予何爲者世故亦飽更識君千萬間胸次久已成所饑非一兒公乎勉涉齋集卷二 敬鄉樓叢書

功名

曾主管專介取棄兒再次前韻

自別心耿耿奈此秋月明晨興洗我耳鵲鵲枝間鳴踵門得緘翰中有惻怛情眷彼水際兒感公脫危坑傳之邑父老相語涕泗橫鄭重煩取將摩挲付老兵忌飽體未充憤拊心無怪應答已如響炯炯雙眸清試問父母誰憐恍目屢瞻微公父母恩何以活此嬰兒生未有知陰報已不輕公猶不自德安得名許生共惟仁聖朝發政先鰥嫠吾儕值歉乏詎敢孤官榮二星妙宣指悉數僕屢更三接尙須臾一路當生成况乃幕中畫實負當世名

來書欲名以許生

湖上錢沈興國分韻得二字

衣言案沈持要臨常守溫州守興國殆其子也

赤驥見已罕名駒更兼值吾鄉推賢侯逢人話詹事訟簡古風

還心清民業遂江山妙主盟景物恢位置如何柱石姿尙以牧

伯寄北關別經年南薰動離思居然軟紅中見此清白似松筠儼長身雲霄舒直氣寵光竹使符假借玉塔地餉計曾入幕軍容有竝議恭聞天語溫喜見家學粹它時課最騰看即璽書被今晨欣壽節輕陰遞涼吹三呼禮云畢一笑天所施榴花染白雲游鯨比青芰畫舸得夷猶名園隨造次懷綬却羨君戲綵且歸侍不繇雁蕩山卽過石門寺永嘉政久成謝公蹟重記剩有名詩章因來寄一二

送蓋總領上計三首

絕代有佳人岑樓碧岩巖即之起幽芬可慕不可招風雨二十年寒榮簪高標置之白玉堂致主軒與堯胡爲枉襍被江干駕輕輶施物功方成丹砂夜生苗披腹吐琳琅碧簡趨丹霄

涉齋集

卷二

一

敬鄉樓叢書

昔者云夙駕楊柳方依依今其望來思兩見秋風吹前乎已勞還後此亦云歸丹筆映螭坳祥風動紫微豈不念歸美正爾畏簡書不見居官樂惟憂士卒饑昔人無遺孔後來補深瘼炯炯心獨苦所貴知者希

熠熠飛者螢變化自衰草時至能晶熒翕張合吾道微光苦不息豈足裨穹昊迢迢風雨夕耿耿祇自保苟無車先生分合委枯槁乾死誠未悔藥籠資探討

送孫會之縣尉秩滿歸廬陵

衣言按玩屈賈二句亦當在湖南作

人生貴相知不在相逢早廬陵說三孫修名愜諸老伯也吾同年久別心杲杲季也真可人一見顏色好金石出几杖握手屢傾倒屈魂雖尙醒賈骨久云槁微君寫窮愁何以慰懷抱再見一尉更取別何草草回視徒四壁蟬聲綴吟藁向來雕斲了見

輒迹如掃汲深無新泉送子漸涸潦珍重皎潔委相期在斯道

送趙倅滿秩東歸分韵得金字

衣言案吾里句趙倅嘗亦溫人

官閒頗成醫藥積懷歎古井無復波寒灰豈能燭苟且信自
慚奔競亦良厭學道無新功但覺益友欠夫君珪璋委裘表裏絕
瑕玷瓦礫誠可羞溫潤得漸染向來三語稱吾里懷關覘名談
造根柢高文在鉛槧轉首十五年天庭久宜挾胡然慰窮愁相
逢古天塹治中員外置縮手靳黈從容國醫旁出語即中砭
選近秩云滿蕭條理琴劍炯炯幽者蘭林深守孤艷寧受蕭艾
欺忍使資養偕誰歟功名塗由已拯昏墊小草非遠志臭味真
有忝差殺東方生饑死更求贖因君動行李令我起歸念西山
有石田努力事耕畝

乞補外出江皋待命泊偉觀二首

涉齋集

卷二

三

敬鄉樓叢書

經年充拾遺一字無所補豈不懷故鄉念方事新主一朝冒超
遷循牆不遑處寧離人間世亦戀行在所有親方賴祿有子方
應舉守道在守官奈當事斯語

欲去不得遂正如太廟羊登刈分所宜得去喜可量聖度真如
天不妨且翺翔扶老復携幼遷居大江傍居然得偉觀悵焉渺
還荒潮頭來如山親樂想未央

樓名偉觀衣言案深夫未非
喪母見張宣公思終堂記此蓋
以行其父

題解舍壁二首

明時有何遺亦復許撥拾大言得面陳小言可封入有時効疎
愚豈是當務急每蒙天下施聽之恐不及退思自生慚黃卷常
在執舊田雖甚蕪新井尚可汲勉哉競斯辰萬一如有立
本不事增弋未免執矢疑客來非不多益友每遠之薰風時一

顧素抱誰與期久要竹居曳談詩能解頤兩頰貯微笑徑造觀

我私請解穠穠衣相與舉近詩

綸子效靖節止酒體賦筠齋余亦和而勉之

綸以筠名齋種筠當掩關愛筠栽竹易見竹知筠難竹以筠爲
本筠居竹之間希筠歲寒操追筠古風還筠中聽琴瑟筠外瀉
潺湲人與筠俱勝筠隨境共閒

重題陳漢卿貧亦好齋

古人重安貧未若貧而樂豈不愛膏粱顧乃嗜藜藿我聞首陽
餓榮名千駟作况乃陋巷子簞瓢殊不惡刀頭得幾何蝸角戰
方虐以茲悟生理貧中始澹泊陳侯清時英廊廟宜着脚丰寶
勢豈容貪齋意聊託蒼生方飢渴未可去盤礴且來祿萬鍾脫
粟躬自薄

涉齋集

卷二

四

敬鄉樓叢書

次韻常之松廬有感

衣言案常之居樂
清柳市集中屢見

年少愛節序老大感歲時亦知夜漏短自喜晝景遲懷人笏頻
拄矯首帽屢欹至情何慘愴同氣相相依君家說大難心胸蘊
多奇永歎思伐木長歌倚式微脊言無雁地渴想前鴻俱一別
如昨日二年忽今茲數傳龜組解解備著鱸風詞寒鄉少瑞應遠
覽期長離解纒辭江皋反袂接水湄無從猶出涕有弟應垂洟
今見松廬作可勝蓬露悲憐君抱苦節愛兄見哀詩無復逝水
回富有高山知老慙無領解久約同襟期勉和吹簫章聊慰深
長思

周時仲提幹求二親墓亭扁答以攀柏因爲著語

掃松拜親墓攀柏念親泣白露滴兒衣兒淚和露濕五鼎縱可
陳三釜嗟何及墳前白頸鴉終日聲枯槎

跋宋朝老再和陶淵明歸去來辭

吾鄉說三宋伯也抱奇偉太學三十年不作舉子語晚當拜特恩青衫送還官開口論世事有舌不可捫吾皇開壽域汪濊澤萬國勉公俯而就如女有正色翻然感際會千載今一時誰歎俾宿留再和歸來辭淵明歸有田公歸徒四壁姑奉祝融祠勝煮南山石公乎未得第我輩慚登科空餐了無補奈此歸來何

次韻題吳無過所藏張無垢難老堂詩軸

養親感臥冰慕親悲履霜慈母孫情胚胎炳前光先生一獎勵吳氏增激昂至今諸孫行如立嚴師傍躬行斯入室言辭特濫觴當時五子名佩服詎可忘省也滋拳拳何止升其堂

次韻廖端叟求墨

憶昨同舍時愛子志尚堅研窮非口耳點勘分烏焉讀聲鏘金涉齋集卷二五

敬鄉樓叢書

石筆思湧漪漣合併幾寒暑分散如雲煙家雖才咫尺見且無黃緣甥館閣徙居我屋欣接椽乃以隨吏軼而歎拘遺編嗟哉燕鴻隔漫爾與蛭憐三年閱黃榜萬選遺青錢擅文場聲不上吏部詮儒冠未爲誤洛誦方流傳夏課煩送似唐律仍燦然爲墨貽古作如珠出深淵書生均老醜嗜好相後先亦有大禹圭未許蒲氏賢何惜遺久交相得真忘年久知鐵爲研更以心自鞭矧古傳毛穎端合遺陳玄落筆看餘萬斗酒須十千雖無蘭亭蘭蘭助章郎戲古今一俛仰人墨相磨研有無要相通唱和聊成篇我今闢三徑門面西一偏已過中秋月皆爲晚涼天何妨對花下取笑同樽前第慚葵衛足欲愈猶聯拳

次韻德友惠黃雀

興來把酒杯徑欲連臺拗聊用資吟哦豈謂貪醉飽晨起秋思

清茶罷詩腸攪筠齋貯遠思詩筓馳速巧餉我晚田雀如鷹初脫爪惠我長城句如棟略無機雀命雖甚微飢驅亦良撓何異不農耕而乃竊祿稍哦詩思陶謝論交懷管鮑只消寄詩篇斷不厭煮作煎本炒

次再大用韻賦梅花

暖律回枯荻春陽發寒梗梅根有特操花事每先省分苗本十洲孕玉可千頃松篁納新交桃李絕奇請冬居姑射山下陰太華井幽棲有心賞巡簷常笑領相對各忘言豈但無機弄詩雖道未尊技可造經繁孤標固沈凡累句自無驚轉庵詩家醫妙劑卽題告元方詩家禪默參惟打靜欲離香色想恐墮人我境昨夜來朔風吹香過南町小解作淺語醒陶欣灌頂

再次轉庵用梗字韻賦梅

涉齋集卷二六

敬鄉樓叢書

見梅思洛陽何愁道路梗見雪憶瀟橋便可心思省仙家種玉成造化炊梁頃凜然孤高標敢以塵瀾請將軍有傳令遠成臨渴井王言惟作命盡作調作和羹領香色歸本根滋味豈機弄自非泯全牛安得試嘗繁轉庵句中畫梅詩言外警難韻有轆轤妙語壓舊書昨夜垂垂雨一洗娟娟靜但覺容成圃真是太玉境朝來知見香墮在區別町不如兩忘言搔首孤山頂

園丁以菊爲船爲屏轉庵竹院諦賞不足分題得塔字

脊彼東籬花忽作西靈塔又如船子泛復似南屏園翁起童心須彌欣芥納分題要鏗鏘秋振蕭颯我合浮屠尖工須畫作畫本溪毫峻嶒玉崔嵬團圓鑲金匱匪儼然香色俱閒彼青黃雜天成具體相人事因假合願修衣被供用作布地踴那將有漏身久實無縫合轉庵曾着語竹院嘗掛搭我有一句子無問亦

無答

德友惠竹栽甚富而又得佳篇既種復喜兩次韻謝之

嗜酒愛風竹種竹涓日醉小園窘邊幅難芳紛位置此君何可
無野卉開之易畝許得滋曠千個我不翅故人雖借居愛竹有
幽致肯割鍾山青分植容成地移來天亦喜涼生兼雨值既免
躬抱瓮何惜親閱視颯爽已可人能同聽秋思

轉庵觀趙十一聖花

有藝者趙生難出逞活法飛走異族類指教各馴狎參戲竿欲
摧險弄首將壓當場等嬉笑旁觀舉震響其間聖花術殆是天
下甲出沒鬼物驚變幻風雨雲靄面喚名葩信手如素插洞視
空樊籠赤立卻巾帽居然詭亂兒恍出虎兇狎脫索婦更神倒
雖目不眨穿楊百步間設的兩口夾一箭中關振四坐駭汗洽

涉齋集

卷二

七

敬鄉樓叢書

或馳若轉輪或舞若揮箏機械執主張造化在噓呶技進無萬
殊妙用纔一搯儼然自胡越誰能會郭郊

次轉庵聖花韻

轉庵詩三昧仍嗜書八法寫出金彈句可慨不可狎近觀聖花
作險若君獨壓壯如錢唐潮清若茗溪雲僚九同妙手疇蜩真
脫甲庖刀方奏碧鄂風復運襲文章特小技聖處奚假插得趣
堪獻佛高吟岸烏帽達者趨拘攀迷者泥檢押豈知造化機目
擊不容吃食衰萬馬奔翼翼兩攻夾靈根有變通時雨自浹洽
意輕秦趙璧價重蒲葵筵記舟何用痕印錢偶因搯於道得達
尊問鼎不問郊

案此首亦次前韻原
本脫去呶字韻二句

范武子輓詞

嗚呼吾武子天乎奪何速瀟瀟錦繡場秀潤琅玕腹出口論世

事好語驚拙目孝友式里閭急難駭僮僕憂於建業都共化主

人屬但不同姓氏何翅如手足一日不晤對尺簡頻往復中夜
懷清姿有夢墮修竹時予悼伉儷感爾念錄獨別去幾歲華亦
聞悲靈淑同病心相憐異縣情愈篤我欲託以妹子不鄙其族
兩窮忽相值一家有餘睦去作建安縣振彼七閩俗豈不化彊
梗元不用鞭朴邑人歌載途當路薦聯牀彼守何堅忍於民能
迫促二年甘不考百謫寧忍辱子方困吏鞅妹忽淪鬼錄入戶
悲方纏出門濕加束曉足不受羈鹽車宜折軸計來忽收書痛
甚不容讀未令吾母知可聞爾母哭人生會有終汝死冤乎毒
吁嗟先大夫艱難脫荒服衣鉢自桐鄉生涯去巴蜀清德誠可
種石田不能粟爾母今在堂何以供水菽爾弟獨當戶何以資
耕築三兒須教訓一女待鞠育自愧貧多累未能分薄祿近擬

涉齋集

卷二

八

敬鄉樓叢書

乞州麾因用致家塾此願未吾遂有身莫渠贖所居讀書巖旁
依紫羅曲憶昔曾同登相期共結屋今晨何爲者昨夢不可續
平生樂哉邱終焉埋此玉雖遺奠窮陳不及墓草宿嗚呼吾武
子臨風淚盈掬

涉齋集卷二

涉齋集卷三

七言古詩

許及之 深甫

應致遠以百韻古詩見示推許過當病中姑借放翁韻奉

酬

我詩何敢希楊公况復進之陸放翁煩君妙語相縱臾控地豈得追培風兩翁齊名家異縣歎惜餘年能幾見斯人不上甘泉班我輩先之觀顏面君到靈山親得語切莫提撕落言句恨君相見一年遲不同荷北燕南路衣言按深甫先一年使金故云有得於詩家三昧矣

胡伯暉有詩訓豚兒輩次韻以廣其意

金風著露驚新秋銀河搖落光飛浮天籟既息蟲聲嗽書生白涉齋集卷三 一 敬鄉樓叢書

髮不解愁挑燈夜誦疾於流人生在勤業箕裘少不努力進厥修老將噬臍孰怨尤悠悠天壤卑微休安得獨歎命不猶昔人忘食兼忘憂何適非學息與遊道不敢徑川不游朝吟暮諷夜校讐至理漸漬如膏油好處心會非力求不特祇爲科第謀正使積書如鄴侯手尚不觸讀豈周張口雲霧正自羞學與不學人焉度汝曹曾念及此不賢師學到無全牛乃翁爲汝相延留一官爲援乏虬蟬欲齟汝口遠松楸敢辭折腰向督郵賦歸無地堪耕收勉旃汲古到索邱困來時復借雙眸

次德友韻

憶昨得君和陶詩牀頭細讀人謂癡二南固自立墻面十駕亦欲鞭駑駘退慙作吏了無補正使得句安得奇有時拈筆弄紙墨大似臨敵收槍旗投老且願共詩社關健聊欲爲兒嬉恨子

寓舍苦迢遞有僧借屋無奔馳乞米不須煩送似無儲自足常晏如轉庵與爲方外舊僕也何翅管中窺豈有修竹真可歎曷不宿霧及早披來詩賡酬特未已追逐登臨隨所之

得趙昌甫詩集轉呈轉庵却以謝夢得詩見示有詩次韻

我饒嗜詩欣染指但見其長有誰毀早年遊方識趙謝如魯逢掖宋章甫謝詩淵翻豪且古趙句清癯澹而苦學力到後成一家渠自不知爲孰使天各一方費渴思想見冰增寒似水居然老手研方圓出戶中規還中矩轉庵活法已參過何止得心仍得髓我如無寶窮波斯望著是珍先自喜忽得趙璧急呈似示以謝草如寄取自憐老去無長進努力吟哦訓兒子

再次轉庵韻

能詩何殊臂使指得句不愁人背毀詩何緣瘦道自肥誰嘲飯涉齋集卷三 一 敬鄉樓叢書

穎山前甫誓不驚人死不休言是良工心獨苦矚黃牝牡元不問智詐勇貪俱可使合時端如鑑畫沙悟處快於領建水趙詩平澹謝奇古所以吾儕誇絜矩轉庵更是可憐人詩眼既高窺字髓我生何能補一字若美非溢私兩喜更須傳抄及同社定不驚嗟斯是取騷壇摩壘真幾人安能碌碌數餘子

次韻才叔分韻得七字

竹院主人新築室消吉上梁辰取乙鳩工度材合忙冗分韻題詩能暇逸獨憐久不到容成片語全無課秋律自傷病足轉拘攣不復拋磚爲倡率轉庵忽傳七字作頓墀陳言洗凡質剩喜金風入詩思定挽銀河洗唸筆鼓宮宮動妙入神上醫醫國愈吾疾聯翩急墀煩寄似已負今年七月七

次陳伯壽分韻得者字

南浦家庖亦烟火何事胸中太瀟灑少提筆力老更堅不信昏
金徒巧瓦一官姑混錄錄中三生豈是悠悠者秋燈夜課阿戎
讀高策詩壇潔蓮社人傳繡口仍錦心我詫瓊杯并玉罍阿戎
官學兩俱長金固在鎔非躍治轉庵忽傳分韻作咳唾珠璣來
筆下挽回巫峽使倒流快注銀河見高瀉敢陪驛騎策疲驚絕
喜風檣追陣馬愛詩未足老猶貪染指更嘗猶新舍祇慙狗尾
聊續貂安得曲終仍奏雅嗟哦未了忽開予擬約憑高共紆寫
次轉庵用坡公韻併簡洪樗野

短日馳驅駒一罇百刻六旬分卜夜殘年餘力秉燭吟所冀二
中并四下敢多奇疾希虛扁祇是寒溫隨補瀉轉庵著眼從昔
高伯仲古人相匹亞細哦纖巧天許覲硬語峻嶒神所借窠臼
已脫卑晉宋真淳更擬出陶謝近驚樗野輕千里遠自鄱陽踰
涉齋集 卷三 敬鄉樓叢書

百舍舉似詩家說中密更引禪宗談倒蔗老夫病後已云怯餘
子聽詩應轉怕那令勉繼坡公韻預恐難逃灌夫罵

送蔡駿叟往金陵見留守李尚書

蔡郎百戰吞賢關彤庭射策誰其班桂枝第一幾得攀一官去
糾纒與蠻留臺友第季孟閒吟詩遠過陳後山使覓仙山大藥
還歸來五色應爛斑因聲爲語大匠般君何不來予汗顏

邵廷評供職未閱月公爲淮南檢法官以歸賦長句見志

次韻爲錢

聖朝亦知賤士醜尙許追隨牛馬走固空幸免彈拙心材散那
能呈好手萬里歸來塵拂面一夢驚回柳生肘同僚未至得斯
人眼底輪囷曾有否青雲直上氣如虹要津立登槎犯斗惠文
安得事仁堯吏酷自應嗤小苟相從幾何矣未黔掉頭歸去依

巖藪挂笏聊看卷畫山岸巾且飲淮南酒夫君自是皎潔姿不
用滄浪濯纓垢正恐功名自逼人更向王畿重結綬

送趙推官持檄之興國

趙君派是天源來細考衡茅無此才文章決科特餘事幕府官
業何壯哉論事不愁開口屢直道馳驅羞詭遇尺伸如可寸枉
施甯脫青衫故園去宗廟之寶森瓊瑤諸公爭欲出我門極知
胸中有定力未肯叱馭隨王尊楚狂涼涼莫宜世一笑相逢有
初契尊酒論文情益親但不同姓實兄弟文昌堂前汝水東萬
頃烟雨時濛濛向來簇坐覓新句多少行人圖畫中君今胡爲
事行李着身翻在圖畫裡捧檄王事不可遲何況堂中老親喜
喜君問道康廬旁過家上冢還不妨再拜松楸有心事孟母卜
鄰今更良了却癡兒紛案牘回首廬山眞面目喚起三年夢中
涉齋集 卷三 敬鄉樓叢書

意想見詩成清可掬

崧高行上周密使壽

銀潢快瀉天無聲秋光漾出圓蟾明玉闌晏眠析不驚簾帷坐
見萬里情健兒飯食細柳營猛將思奮撫劍鳴摘試一二來帝
京表裏百萬皆精兵此時崧嶽風更清壽酒消得如澠傾天子
神武恢八紘一賢制難真長城鴻鈞對幹三塔平珠連五緯薦
璣衡天開地闢霖雨成中書之考遠作程回視萬卷紛拏擇一
編自足垂勳名書生腦脂味短檠莫邪掛壁吼長鯨相公辦取
崧高行不惜攜之上崢嶸

崧高齊上施參政壽

靈山鍾秀崧高齊鹿苑名勝神所棲水晶玉扎銀成泥無論粉
綠丹黃釐文星相望直斗奎出藩入從黃金閨誰坐廊廟廣鳧

驚山經地志古有稽我公開氣今其繁資兼文武雙印提十年
太學甘朝蠶吐光萬丈騰虹霓鷄林傳誦爭航梯至今威名響
羌氏張旂朔庭撫遺黎鼓舞雄豪泣旄旆折衝樽俎眠鼓鼙屯
雲萬里行春犁五風十雨無苦寒此疆爾界誰町畦不須京觀
封鯨鯢混一少忍矜扶藜從容論道開端倪一語折衷溫如綈
鑒裁不閱黃輿輿流品自成桃李蹊琴音八極回薰兮長庚夜
明玉繩低紹曙曉曉建章西黃封九醞天處題壽以一飲千玻
璃公開壽域民同躋龜文燕頤額插犀中書之考米一稊葛仙
鍊丹舊有溪從公擬欲求刀圭散作人間刮膜篋盡洗凡骨開
塵迷

雲龍歌上周丞相壽

萬化衰衰相乘除循環甲子如數珠甲子既周理當復豈有潤
涉齋集 卷三 五 敬鄉樓讀書

澤鰲焦枯丞相補天祗哀職閔雨憂民見顏色雲龍契合此其
時能費天公幾多力明當月色圓如秋書生徙倚生暮愁欲攀
斗柄酌河漢一滴變化爲萬流憶得去年曾拜月此日團圓仍
皎潔極知有藥自長生更願長圓渾不缺今年拜月去年同却
欲屏翳驅雲蒙久占月角如張弓兩月少雨惟多風昨夜占風
忽離畢定自滂沱灑手疾今朝四郊已沾濡丞相明朝是生日
書生喜極欲起舞急買香茅葺庭宇公不見崧嶽降神生甫申
山川出雲作時雨

上南軒先生壽

岷峨一綫江濫觴意行萬里無留藏五湖洞庭狀熊湘衡嶽歸
然鎮其旁離堆砥柱屹相望流橫潰不得狂挽回斷港濟絕
航一齊衆楚勢莫當三芝五餌別有方狂簡痼疾瘳膏肓天遣

奔波赴泗淙回視坎井足跳梁三浴薰之驚望洋一語咽口成
周章昨夜太白垂光芒皎然松柏凌雪霜向來十襲一瓣香再
拜斯文壽無央願回帝力超羲皇無懷大庭還我鄉

次韻何起巖喜雨

龜坼高田畦渴雨何取尸臣守茲土拙毫濡髮控深衷羽衣拜
章夜當午天門岩曉洞九重玉几哀矜迴三拊守臣有罪固合
誅農夫在勤亦良苦去年旱荒有積倉今年饑歉將空臬通宵
灑潤祗若絲明發屯雲儼安堵初驚大點來莫當俄即翻盆流
孰禦舊雨相過憶去年坐視排簷亦如許我慚歷歷洗心源君
喜津津見眉宇魂章傑句助歡呼石燕商羊俱歌舞急須似吸
舉深杯莫負如灑寫甘澍

次徐清韻賀留守劉觀文禱雪感應

涉齋集 卷三 六 敬鄉樓讀書

雪霜之忍有至慈一片到地五穀滋所以臘中重三白史譏失
時書其作辭我公臥護北門北百姓愛公如愛日及冬禱雪
乃愛民若有鬼神宜率職要晴要雨天必從玉山何獨闕燭龍
一夜風師擎冰絮坐使東國成雪宮曉起清愁無復有如在春
風飲醇酒欲歌零雨勞公歸正爾補天須妙手

再次韻呈徐清

留臺心與天等慈違春覓雪回象滋計臺心與留臺似賀版趨
遺瓊瑰辭白戰場前受降北筆補造化戈却日郢中之曲信寡
和鼓宮宮動能者職吾欲十駕期相從今見老子其猶龍徑須
乞公玉藥瓊去上絕頂瑤臺宮下視塵寰一何有天地交光落
吾酒酌公雲夢公莫辭能費公吟幾叉手

次韻程判院喜雪